


Diferente actividad na Centro di Barrio y Deporte Dakota



ORANJESTAD (AAN): Directiva Hoben Dinamico y Activo di Centro di Barrio y Deporte Dakota, bao presidencia di Anthony de Graf, a duna DIARIO un bista di tur e actividadnan nobo cu nan ta presentando na e Centro.

De Graf a muestra cu nan ta trahando duro pa duna e Centro di Barrio aki un bida nobo. E ta spera cu via di e entrevista aki, cu pueblo en general di Aruba y en especial e habitantenan di Barrio di Dakota tuma nota di e siguiente programmanan cu ta bay tuma lugar na C.B.D.D.

PINTAMENTO Y AIRBRUSH

Descubri Bo Mundo Door Di Pintamento. Centro di Barrio Dakota bao su Maneho nobo, un biaha mas ta demostra su interes den hubentud, caminda nos ta yuda e muchanan desaroya nan creatividad y asina tambe kita nan for di e mundo di droga y alcohol y tre nan den un otro mundo

di pintamento. edad 6-10 11-15 aña.

Airbrush: E programma aki lo giabo y dunabo instructionan facil caminda lo bo sina diferente tecnica y materialnan pa usa y crea bo pintura di airbrush caminda den futuro bo por bira un airbrush artist tur esaki ta ensera material, ideas, inspiracion, tecnica, projectonan y asina lo bo gosa e mundo di Airbrush edad pa participa ta cuminsando 10-16 17 pariba aña y mas grandi. Despues di curso lo ricibi certificado.

Lesnan lo worde duna pa Timmy Charles inscripcion por tuma lugar na Centro di Barrio y Deorte Dakota cuminsando for di 5:30 di atardi pa mas informacion yama 838222/827331

CURSO DI E.H.B.O. PA CAMPAMENTO

Eerste Hulp Bij Ongelukken (E.H.B.O), esaki ta un curso cu pa basta tempo caba tin hopi pedida, e curso aki ta pa mayornan, parehanan, negoshinan, Deportistanan, Sportleidernan, Padvindersnan y tambe personanan cu ta en busca di trabou.

E curso aki ta pa nos hendenan bira mas conciente kico por pasa, y kico por haci cu mucha of adultonan ora di un accidente mirando cu remedi y consulta di Docternan ta birando hopi caro y tin biaha Docternan no tin ni tempo pa atende patient. E curso aki ta encera:

1) Con pa stop un sangramento


- 2) Si un persona Cai Flauw (kico por haci)
- 3) Kimamento
- 4) Shock di coriente
- 5) Cori pa trata un herida
- 6) Si un persona kibra Man/Pia
- 7) Problema di rosea
- 8) Problema di wowo
- 9) Con pa mara un verband
- 10) Si bebe liquido venenoso Tur esaki y hopi mas. Edad 14 aña pariba. E curso aki ta consisti di 21 les cual despues lo ricibi certificado cual lesnan mester ta 100% (sin falta ningun les) Lesnan lo tuma lugar tur diamars y diaranzon di 7:30 pa 9:30 anochi instructor lo ta Roy Tromp por inscribi tur dia nan C.B.D.D. cuminsando for di 5:30 di Atardi. Lo cobra un suma atractivo. Pa mas informacion por yama na 827331

LES DI BOXING

E les di Boxeo lo worde duna pa Nufo Steba (conoci como "Kid Zorzal"). E lo ta tur Diamars cu Diahuebs ta bay cuminsa training di Boxeo, cuminsando for di 5:30 te cu 7:30 di anochi.

Na aña 70 Nufo Steba tabata un persona cu a representa Aruba na Corsow y diferente lugar mas na Antillas y den Caribe entre otro Jack Johnson, Wincho Callento, Body Beer.

Kid Zorzal su Kick ta lanta tur dia landa come hopi berduza y fruta y ta tuma su masage regularmente. Nufo Steba ta splica cu Boxeo ta un deporte di selfdefense y tambe tin su disciplina y



reglanan.

Antes Kid Zorzal tabata prohibi pa bringa ariba caya pa motibo cu e tabata sa exactamente con pa defende su mes y un pa pone su chapnan. Hobennan cu ta interesa pa cuminsa training di Boxeo pa asina nan tambe por sinja defende nan mes, rumanan, familia y yuinan.

Inskribi bo mes 18 aña pariba. Inscricion por tuma lugar na C.B.D.D. of jama pa mas informacion na te. 827331. Dakota Tur Dia !!!

AEROBICS

E directiva hoben, dinamico y activo di Centro di Barrio Dakota treciendo informacion di Aerobics:

Esnan cu kier inscribi ta worde pidi pa asisti Dialuna awor dia 2 di Maart 1998 na Centro di Barrio y Deporte Dakota.

E lesnan di Aerobics na Centro di Barrio Dakota fuera di ehersicio fisico tambe nos ta traha ariba e parti Social cu ta ensera sera amistad cu otro persona den e grupo y combi-

nacionan di ehersicionan duel (dos-dos). Nos lesnan di Aerobics ta concentra mas riba Condicion Fysico, Baha Peso, Flexibilidad, kita Stress y sera amistad manera a worde menciona caba. E programa di Aerobics na Centro di Barrio Dakota ta hopi great, tur Dialuna nos ta cana den grupo alrededor di 5 KM.

Mayorman cu nunca a haci Aerobics esaki ta boso oportunidad. Lesnan di Aerobics lo worde Duna pa Maribel Cadenas, Kelvin Castillo y Anthony de Graf. Inscricion por tuma lugar na Centro di Barrio y Deporte Dakota tur dia for di 5:30 te cu 6:30 di atardi. Lesnan di Aerobics lo tuma lugar di Dialuna pa Diabierna y lo cuminsa exactamente for di 6:30 te cu 7:30 di anochi. Tur hende ta keda cordialmente invita y mester trece unicamente un serbete. Diferente personanan lo bini awe Dialuna 2 di Maart. pa cuminsa cu les, asina ta no warda, cuminsa awe mes. Inscricion ta solamente fls. 15,= y fls. 25,= mensualmente.



Small Business MARKETING

- Siña awor! Kiko ta Marketing
- Con pa hasi un Market Research
- Con pa traha un Marketing Plan Efectivo
- Marketing Productivo pa aumenta Bentanan...
- Prijs: Afl.200 Inscription: Afl.50

Ta inclui full material, coffee breaks y Diploma na Final di e les.

Tel.837979 Fax 825893 E-mail gwmege@setamet.aw